



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Fides uera, uiua & operans, quomodo scripta sit in manibus nostris. caput
XIII.

urn:nbn:de:hbz:466:1-30114

Charitas Dei & proximi quomodo descripta sit in mem-
bris nostris Caput XIII.

A VERUM, quia charitas: finis, plenitudo, instauratio &
i. Tim. 1. summa est totius legis diuinæ, charitas aut in omni
Rom. 13. bus seruanda est quæ videmus, audimus, odoramus, loqui
Matt. 22. mur, & operamur, hæc autem in duobus præceptis pædet,
 nepe in dilectione Dei & proximi. Vt igitur in omnibus
 quæ vides, audis, odoras, loqueris & facis, charitatem Dei
 & dilectionem proximi quæras, serues & promoueas, sensus &
 ferè omnia tibi membra duplicauit Deus. Dedit enim du-
 as aures, duos oculos, duas nares, duo labia, duas manus, du-
 os pedes &c. Vera autem dilectio, vacua non est nec otio-
 sa, sed legem Dei custodit & opere implet, Lex autem Dei
 & charitas in decem preceptis explicatur & seruatur: Toti-
Psal. 118. 1 dem quoque tibi Deus dedit digitos in manibus & pedibus.
 In pedibus quidem, vt ambules in lege domini, & viam mā-
 datorum eius curras sine offendiculo. In manibus vero, vt
Philip. 2. salutem tuam cum metu & tremore studeas operari. Quia
Ioan. 15. qui habet mandata Dei, & facit ea, ille est qui diligit Deum.
 Quo contra: Qui dicit se nosse Deum per fidem, & esse in
1. Ioan. 2. Deo per dilectionem, & mandata eius non custodit, men-
Esa. 64. dax est. Hoc ergo fac, & viues, & accipies coronam vitæ
1. Cor. 2. quam Deus diligentibus se præparauit. Quia beati om-
Jacob. 1. nes, pusilli & magni, qui timent dominum: & ambulant
 in vijs eius.

Fides uera, uiua & operans, quomodo scripta sit in ma-
nibus nostris. caput XIII.

A ST & fidem, sine qua nemo placere Deo potest, ti-
Esa. 5. bi ob oculos posuit: quomodo, & quod sit credendum
 exprimens, & hoc in manibus tuis. In manibus namque per
 quas operatio significatur, fidem & eius articulos deus de-
 scri-

scripsit, ut fidem habeas, que per charitatem operatur bonitatem. Nam fides sine bonis operibus, inanis & mortua est. Si autem credis & es baptizatus, & cū hoc iniquè agis vsquequaque, altas omni viæ non bonæ, peccas sine omni timore, facis peccatum super peccatum, tunc fides tua diabolica est, reproborum est, & eorum qui venditi sunt sub peccato ut faciant mala: Nec sortem inter electos in lumine, sed inter impios partem accipies in tenebris exterioribus, in terra tenebrosa, & operata mortis caligine, vbi umbra mortis & nullus ordo, sed sempiternus horror inhabitat. In manibus inquam fides descripta est, ut facias sine intermissione quicquid fides per verbum. De te docet facere & seruare. Ut per fidem sis innocens manibus & mundo corde, & operans quod bonum est & acceptum ante Deum, declinando à malo, & faciendo bonum: Ut in omni loco & tempore, puras manus ad Deum leuare possis in oratione: sicut per fidem Iesu Christi, mundus es corde, frustra proinde gloriantur in fide sua (sicut Iudæi in sua circumcissione, quando legem non seruabant) in quorum manibus iniquitates sunt. Vel qui eas abscondunt sub ascella sua, & salutem suam cum eis operari detrectant. Non est illa fides vera, iustificans & saluans, sed falsa, sed mortua, sed inanis, sed vana, sed reproborum, sed damnans, sicut serui illius pigri, inutilis & mali, qui talentum suum non posuerat ad vsuram: & illorum qui misericordiæ opera non fecerant, & virginum stultarum, quæ oleum in lapidibus non habuerant. De istis non legimus quòd vlla peccata fecerunt. Imò virgines stultæ etiam in multis laudantur. & si illi dānantur qui in fide declinant à malo sed non faciunt opera bona, ut seruus piger: & immisericordes: Vel opera bona quæ faciunt, nō faciunt in charitate, ut virgines stultæ: & ille qui sine nuptiali veste ad nuptias intrauerat, vbi tunc parebunt impij, qui faciunt pecca-

Iacob. 2.

3. Reg. 22.

Rom. 7.

Col. 3.

Iob 10.

1. Tim. 2.

Psal. 33.

1 Tim. 2.

Act. 15.

Rom. 7.

Psal. 25.

Prou. 19.

26.

1. Cor. 13.

Matt. 25.

Luc. 19.

Matt. 22.

2. Pet. 3.

Lac. 18. peccatum super peccatum, et nec Deum timēt, nec homines reuerentur.

Rom. 6. Eorum fides est sicut falsa moneta, quam qui fabricant sunt filij mortis, & cum ea negociantes & populum decipientes cum eis qui eas faciunt sunt in eadem damnatione. Nam finis illorum mors est & interitus, secundum opera illorum. Hęc transfigura in eos, qui solam otiosam, inanem fidem docent, & habent & iactant.

Fides uana & inanis pulchrè assimilatur.

Caput XV.

Fides illa uana est & inutilis, similis aut vilior puerorum equis, gladijs & denarijs. Nam puerilis simplicitas ad lusum propensissima, baculos pro equis & gladijs colligit. Vel equos & gladios ex ligno scindunt vel ex luto fingunt, & nonnunquam coloribus pingunt et sinopide. Ex rapis denarios et monetam diuersi generis scindunt, et lusu suo aptant: At, vani sunt equi et gladij puerorum in necessitate: similiter ad nihil vtilis denarij eorum in negociatione. Quousque paruuli sensibus, et malitia perfecti eritis, o paruuli et pueri centum annorum maledicti? **1. Cor. 13.** An nondum tempus est, relinquendi infantiam, et euacuandi ea quę sunt paruulorum? Fides mortua est sicut manus arida, et arbor sterilis ac infructuosa, cui ignis debetur et securis **Luc. 13, Matth. 3.** Proh scelus, viri sexaginta annorum, adhuc cum pueris diligunt vanitatem, et sibi in sua mortua, uana et inutili fide complacēt. Et querunt mendacium dicendo: se cum fide ista sua mortua et multis peccatis obnoxia maculata, et falsificata, velle saluari. Et hoc mendacium ponunt spem suam: et isto se protegunt, vt dicit Esaias. Sed fallitis vosmetipsos, ait apostolus, quia grando mortis et tribulationum omne genus, quod tunc peccatoribus imminebit, et timor iudicij

Esa. 28.

Gal. 6.

& cor-